

由左明詩鈔卷第十五

楊魏 五十五



山左明詩鈔卷第十五

楊巍

五十五首

魏字伯謙號夢山海豐人嘉靖丁未進士授知

縣歷官吏部尚書加太子太保卒贈少保有夢

山存家詩稿明史本傳巍外官晉泰有邊功再

減驛遞之費以修沿邊城堡凡千餘里在工部

力止營建行宮之役敕歷中外甚有聲及秉鈿

素望少損然有清操性長厚不為刻覈行卒年

九十二 朱中立云夢山詩不事雕繪旨趣天

成 漁洋山人云先生五言直舉骨臆真澹雅

素而格在其中陶韋之嫡派儲王之隲行 又

云五言冲古澹泊在高子業華子潛季孟之間

如遠道令人愁况近單于墨秋風起鴈門羽書

日三至微微霽景流天壤色俱素鄉心生塞草

世事入秋風風雨樓煩關山李牧祠開將流

水引夢與古人居雨響殘秋地城分不夜天石

古苔生徧泉香麝過餘皆逼古作 明詩綜詩

山左明詩鈔卷十五

一

彈琴峽

話當嘉靖初年北地信陽朝華已謝歷下繼起
一時宗之夢山與之同郡而不染其習今讀其
詩正如水仙十囊江梅一萼嫣然薄水殘雪之
外有不愛惜者邪 謝方山云先生擅場本在
五言其近體妙處發源王孟接軌高薛嘉隆
塵氣之習曾未染其筆端故是間代清律

瑤琴何處聞停車空緬想谷靜水聲幽霜餘山氣朗無
聲心亦閒况復聞清響大道晦有時靈物豈易賞徘徊

坐盤石高歌動林莽

送漳渠楊公分守雲中

帳望雲中城猶隔桑乾水遠道令人愁况迎單于壘單
于何猖狂侵掠日未已蒼茫應與朔望眼生荆杞天子
厓宵旰吾徒寧不恥楊公慷慨人憤時恒拊髀談兵樽

想間往往得神理茲行詎徒然王庭應遠徒分手勿躑
躑丈夫志萬里

讀友問集 何遷著

獨把一編坐門前雙鳥喧春風來幾日草木倏以蕃因
茲悟至理兀兀欲忘言

訓董信溪雪餘枉顧

山園何寥寥雪餘枉高步自愧非戴家乃勞子猷顧呼
酒暢幽懷烹茶有隱趣徒倚矚烟巒瑤華綴林樹微微
霽景流天壤色俱素深擁初祖門清憶謝庭句苟非佳
客來茲意成淪誤言別日將夕悵望城南路

春日述懷

崇明詩鈔卷五

二

曉齋春雨歇一鳥當窗鳴山雲入我座不知在邊城夙
心本閒曠偶無塵事縈手把楞伽讀忽已忘吾生軒冕
是何物可以櫻其情君子貴得道誰能顧浮名

初至鴈門謁閔中丞

余本魯諸生未習戎馬事前年釋短褐萬里向邊地秋
風起鴈門初書日三至中丞燕趙豪臨敵有暇思幕中
集羣畫轅門列虎士亦欲效區區坐使疆場治但求干
戈戢勳名非聊志

初春臥病答喻明府韻

元英歲云謝纏綿仍負病百齡今已半日月諒無多心
含萬古愁豈不滑其和春來散情性徒倚盼庭柯賢愚

會有極孰如冥運何開門得瓊藻慷慨一悲歌道喪昔
已然不必問蹉跎祇當飲美酒莫使歲華過

和王憲副西石宿左衛見懷

寒夜客何如更堪喧鼓角亂山殘雪裏能無動離索羊
河不隔夢飛去共君酌兩地結孤悰燈花向人落

宿太安驛

長路客心倦懸崖暮景斜壑深雲並黑夜久月初華短
燭啼山鬼高風動寒笳王城知漸近猶自夢烟霞

過鷓子峪

十里松間路松聲雜鳥聲山雲多變態野水自絕橫古
木題詩坐懸崖下馬行可憐幽絕處只是近邊城

岩明詩鈔卷十五

三

北樓口留別許叅戎

擾擾烟塵際離觴對晚暉悲風嘶去馬落葉上征衣野
燒臨河斷寒沙帶雪飛願君思滅虜慷慨振軍威

役役

役役憐終日驅車西復東客心生塞草世事入秋風意
向簿書倦愁因疾病空祇應滄海上高坐學漁翁

送黎樂溪憲副轉甘肅太僕

白嶺千山外黃河萬國西塞雲秋渺渺沙草日淒淒遠
地難離別邊城尙鼓鼙張王名未泯駟政定思齊

柏溪書屋二首

多才漢司馬高調謝臨川業在青山裏人來滄海邊論

女驚琬琰把酒向雲烟未遂卜居志空歌伐木篇
八夏門長閉爲園道不踈閒將流水引夢與古人居野
鶴窺丸藥山精聽讀書尋詩自來往風起柳塘初

忻州夜雨

世慮已難遣况當旅館秋寒城夜半雨故國夢中樓河
漢幾時曙蛩蛩增客愁鴈門明日路鼓角入邊州

再過柏井驛別任柏溪鎧

十載題詩處青山滿驛門與君今日別白髮向中原客
路看春樹寒燈照夜言明朝故關上回首一銷魂

鴈門九日無興登高作詩二首

選一

把酒不能醉登高奈所思豈堪雲斷處正值鴈回時風

崑山詩鈔卷十五

四

雨樓煩國關山李牧祠寒花無意賞况復鬢毛衰

春日懷歸

岸幘花前坐忽同林下居春風吹戶牖芳草徧庭除嗜
酒無餘俸多愁懶著書歸歟桃嶺上兄弟共耕鋤

行靜樂梁嶺山中

巖壑行來好松杉畫不如經年無客到何處有人居石
古苔生徧泉香麝過餘買山能得此亦可結吾廬

霑化夜集感舊

別去憶多年張燈惜此筵故人嗟老矣吾鬢亦蒼然雨
響殘秋地城分不夜天從今數來往同種海西田

秋日閒居

笑我起居處寥寥一竹床長貧諍性多病識行藏地
與紅塵遠秋憐白日涼山僧久不至木落井西堂

還家逢九日

芳辰來故國秋色徧柴門正值菊花候新開竹葉尊晴
雲高鴈鶩暮雨長蘭蓀偶誦閒居詠斯人可共論

海鄉聞鴈

平蕪霜露合孤鴈尙南征影落黃龍渚聲淒魏豹城殘
雲疑路斷新月似弦驚十載關山北曾傷故國情

醉臥讀高蘇門詩

閒居長是醉高枕任吾歛懶慢心方得蹉跎老豈知北
窗風到處深樹鳥鳴時世事一無好猶耽陶韋詩

送程尉還蜀

與君萬里別忍見柳條春已恨罷官早兼悲爲客貧猿
聲來峽口草色暗江津想就嚴平卜行藏不在人

早秋登龍門城樓二首

朔塞樓頻倚新秋天乍晴雲山兼日色鼓角帶邊聲路
有元人轍臺餘漢將名楊公石柱在極目舊開平

指點雲州地眞爲漢北門八城臨大漠一路向中原晴
日山川映秋田黍稷繁文莊經略處父老至今言

邊城見燕子

寥落邊城裏還看燕子來主人寧見妬蓬戶定頻開地
迴巢難就風寒羽易摧翩翩懷舊侶何處傍池臺

九日登高

已作雲中客，還登塞上臺。風塵回老眼，節序託深杯。碧海鴈行斷，陰山雨氣來。故園今日菊，惆悵向誰開。

春齋漫興

遠地無人到，春風憶故林。傍簷獨鳥嘯，積雨衆芳深。中散琴爲侶，山公酒是心。欲騎黃鶴去，萬里孰能尋。

環縣早行

胡虜平無日，滄江未擬還。燈前梳白髮，馬上夢青山。薄曙羣峯外，殘星杳靄間。鷄鳴問何處，已過古蕭關。

永壽道中

不知山縣處，忽聽午時鷄。城郭到方見，烟雲看漸低。人

山左明詩鈔卷十五

六

疑勾漏合地，卽武陵溪。正是花開日，香風趁馬蹄。

蕭關北作

塞路山難斷，天愁雲不開。遙驚戍火起，數見羽書來。周室朔方郡，唐家靈武臺。客心正多感，羌笛暮堪哀。

宿瓦雲驛

蕭條來野館，秋草正淒淒。復此聞風雨，兼之厭鼓鼙。經年階樹老，入夜怪禽啼。獨坐生歸思，田園渤海西。

繁峙縣逢林野橋戶部

秋高山下縣，夕照塞邊村。以我淹留所，聞君慷慨言。晚輪疲內地，烽火入關門。懷土兼憂國，同傷客裏魂。

送張華巖入賀兼憶舊遊

征蓋天邊望去塵青華八月是長春呼嵩遙想千官處
戀闕空慚萬里身海內靈芝隨地貢懷中寶鑑定誰陳
因君回首雲霄上鳴珮如今幾故人王阮亭云五
六諷世宗也

沙澗驛逢劉叅戎

風塵滿目塞門間愧我書生鬢欲斑爲問干戈何日定
不知江海幾人還河聲暮遶沙邊驛雪色晴看天外山
全仗將軍能破虜莫令匹馬近三關

古城看獵因至黃龍渚

古城城畔斷蓬飛日壓平原正合圍才短豈能爲獵賦
年衰猶未息兵機卽看滿日寒雲起忽憶邊頭羽騎歸
欲把雄心弔前代秋風吹上釣魚磯

山明詩鈔卷十五

七

遊靈巖寺

八十二翁長閉關爲尋知己到名山巖頭雲起如迎客
谷口花開似解顏鐘磬聲來天地外樓臺色入有無間
老僧欲我留詩句松月當空鶴未還

塞上謠

年年築邊城虜騎猶出沒夜深沙月寒空照杞梁骨

秋園雜興三首

晚歲習禪寂已無世上情如何深夜裏猶自感秋聲
天心元不動寒暑自推移獨愛陶家酒絕無宋玉悲
爲問南歸鴈徘徊戀稻梁寒雲幾千里何日到江鄉

偏關北望

耕牧春仍廢臺隍虜作隣受降城不遠恢復是何人
閔旱

溝壑不忍視一視淚如雨憑誰請發棠空飽倉中鼠

秋日送華空塵還章邱

高秋紅葉映柴關幾夜論詩杯酒間別去故園明日是
寒花開徧女郎山

憶東霞鍊師

前日桃花路口分自言採秀入閒雲海天漠漠正東望
一鶴飛來疑是君

太原寒食和紀山韻

寒食客中只醉眠不知何處杏花天鴈門此日猶烽火

山左明詩鈔卷十五

八

却向繡山獨禁煙

秋雨宿長安嶺

滿戶煙霞傍戍臺踈燈獨坐一尊開夜深怪底不能睡
松柏千山風雨來

平定李侍御應時予之同年友也曾視予病感之

寄此

前年視我山中病落日獨騎驄馬來記得任家亭子上
蓮翹花發共銜杯

憶舊有感

丁卯橋西憶舊遊綠楊高映酒家樓故人莫訝凋零盡
一別江南四十秋

過十八盤山

并州愁作客况復渡桑乾去國幾千里登山十八盤
兵戈今未息道路古來難落落悲雙鬢迢迢媿一官
鄉書過塞少節序向花殘海上園廬在歸歎賦考槃

邊城春日懷歸

烽火連高塞旌旗映晚霞登城看漢壘幾處聽胡笳
瀚海頻傳檄嫖姚始建牙殘春榆柳動入夜鼓鼙搗
白首三年客青山萬里家邊塵何日定歸種故園瓜

弔土木

胡馬南侵日蠻輿北狩辰當年誰護蹕萬乘獨蒙塵
社稷憂危極乾坤戰鬪頻運衰憑貴倖事往憶忠臣
故壘

山左明詩鈔卷十五

九

青山繞平蕪白骨新天陰啼鬼處猶自感行人

劉爾牧十一首

爾牧字長民一字成卿東平人嘉靖甲辰進士

官戶部郎中所著有堯麓集

州志爾牧在戶部以言事忤嚴世蕃

廷杖削籍歸肆志典墳砥礪節行著述甚富往往散軼王元美云成卿質秀才雋尙未成家

春登武昌兩山

江城宜眺望夙駕共淹留睽彼兩山麓俯瞰大江流
黃武開霸業武昌擁上游把酒臨釣臺避暑茲山陬
寂寞千載後麋鹿陟其邱女夷思天和鸚鵡候麥秋
况復春當暮白日出悠悠登高多慨嘆對觴不能酬
願理升喬策同問赤松遊歸風吹首路落霞帶夕愁
長嘯下林谷

意氣隘九州

妾薄命

自憐妾命薄敢怨主恩移
遭此萋菲日能忘歡樂時
秋風難再熱落葉不勝悲
獨有高樓月流光與恨隨

晚宿漢川

落日駐征軺鄉心轉寂寥
虛堂華燭盡獨夜暗魂銷
絕嶠廻春鴈孤城帶暮潮
庭闈有白髮應念一身遙

李進士園中餞魯朝選有懷檜翁外舅

將歸與送別歎逝共懷人
心事留天問生涯感谷神
千花空對酒雙淚欲沾巾
况是同袍客淒涼行路春

大行皇帝哀書至哭臨有述

山左明詩鈔卷五

十

早歲曾通籍爲郎獨抗言
風雷皆是教寵辱盡歸恩
忍淚觀遺詔全生荷至尊
誰憐臣節晚惟有赤心存

奉送司徒潘公二首

早年通籍登三事中歲移官豈至尊
戀闕猶遲京口路
霑衣獨上孝陵園
重都並列尙書省
舊國何殊金馬門
宣室不妨前席召
暫時離別莫銷魂

秣陵南望緩王程
風雨高秋發帝京
不分驅歌從此別
向來貝錦竟誰成
清時惡說離騷賦
直道徒懸抗疏名
辛苦十年門下吏
天涯去住總關情

臙脂湖

左蠡兵銷王氣還
漢宮湯沐落人間
絲雲欲散臙脂水

明月猶懸石鏡山南國干戈纏鄂渚異時金翠擁江關
英雄已逐鉛華盡惟有湖光照客顏

重陽前一日

楚天愁絕九迴腸漢水烟波動渺茫鴈盡北書無日到
秋深南菊爲誰芳江頭落葉催行路峴首浮雲蔽故鄉
惆悵年來遲暮意明朝風色是重陽

漫興

意氣橫生醉後歌少年猶自說三河風塵極目須長劍
雲水關心寄短蓑霄漢只今饒雨露窮途空自戀陽和
春來莫笑柴門僻庭樹開花滿舊柯

春至白佛山別墅

岩明詩鈔卷十五

十一

鷄乳蠶眠隴麥勻生涯何謝上皇人近山雲起皆成趣
遠屋泉流別是春閒禮玉毫觀法界遙登華頂摘星辰
拂衣長嘯忘歸路十里松蘿不染塵

殷士儋九首

士儋字正甫號棠川歷城人嘉靖丁未進士改

庶吉士授檢討歷官少保兼太子太保禮部尚

書武英殿大學士贈太保諡文莊所著有金輿

山房集

明史本傳士儋初爲裕王講官善於陳

訓脩舉慶成宴爲時所稱新鄭以憾逐之卒後

怨者柄國諡以文通久之改文莊王忠伯云

先生登高而賦餞別而歌體齊魯之雅馴兼燕

趙之悲壯采吳越之婉麗以求勝於歷下襲永

之問

送劉希宏驛宰之高郵

迢遞淮南驛風烟隔楚波潮平漁火近日落客帆多遠
樹生鄉思青山入棹歌春來見芳草知爾憶鳴珂

送趙萬舉守淮安

聞道淮陰郡輿圖屬上遊雲連江國曙地接海門秋特
簡中朝彥遙分南顧憂青山迎列戟芳草待扁舟楚甸
歌新牧瑯琊識故侯津橋通曉泊膏壤課春疇樹色依
官舍潮聲入驛樓知君富登覽吟興滿滄洲

題番馬圖

玉塞無聲夜有霜橐駝五萬入漁陽平沙落日悲風起
馬上橫梢四白狼

岌明詩鈔卷五

七

皇貴妃挽詞

柘館星初霽椒庭露易晞終天戀宸扈永夜閉泉扉塵
暗班姬輦雲寒秦女衣何時馭青鳥環珮月中歸

送董別駕之壽春

春雪滯歸鴻離筵惜暫同名家滄海右薄宦楚雲東月
映清淮水花明丹桂叢遙知參佐暇吟眺思無窮

張伯仁使江西諸藩

四月南風芳草多星槎遙泛楚江波宗盟卜世分桐葉
鄉夢先秋到薜蘿擁節晝遊經玉笥含香宵直憶鑾坡
遲君來歲花時約斗酒論文一醉歌

立春夜同謝茂秦於李于鱗宅賦

寒夜同樽酒驚逢客裏春殘燈話鄉曲浮世嘆風塵宦
旅空華髮山人自葛巾年來成底事翻愧滯朝紳

送霽寰吳師叅藩大楚二首

海岱間關四載餘長安七貴不通書稍遷猶作天涯客
自信千時計獨踈

南經襄漢草萋萋月滿春江映大堤詞客競投青玉案
路人爭唱白銅鞮

于玳 十七首

玳字子珍號冊川東阿人嘉靖戊子舉人官平

涼同知與仲子慎思叔子慎言有于氏家藏詩

略四卷

文定公慎行跋先君垂髫講藝以詞賦著稱偃蹇一官不酬素志兩兄趨庭揅

山南詩鈔卷十五

業並有文聲亦皆坎壈青袍不博一第慎行檢校先稿采出一帙付邢進士子愿梓之邢子愿後序茲集言不相襲格以類殊究厥體裁率沈雄朗潤妙入元解蓋緣本天趣發之性靈是以機動神隨意無之緒 朱中立云冊川詩高潔清修不減古人爽概近於工部按司馬詩極清剛人當孤介根柢澆花不屑晚季一語仲子遺集僅有存者詩略刊板亦燬求得鈔本夫人劉氏能詩別見於後

隴上行

隴山不可上道路阻且長俯身百丈谿仰陟千仞岡雨
雪慘我肌烈風吹我裳羣鳥鳴深枝狐狸滿路傍車輪
蹶且摧我馬元以黃洪流寒冰白日黯無光對此一
長嘆客心多所傷願飛旣無翼欲濟亦無梁中路正徘徊
還願思舊鄉舊鄉日以遠尺素久茫茫丈夫固多憂

所志在四方何日王道平
騁駕步康莊

秋日草堂自酌

小院涼生夕秋山對倚欄
雨中槐葉落池上竹枝寒
酌彼黃金釀瀉之青玉盤
窺觴成一笑顏色爲誰歡

夏日山莊卽事

別業依丹巘虛堂面遠坳
溪光剝水綠山色輞川青
柘柳年年發桑麻處處經
平蕪斜日下牛笛亦堪聽

春晚崔生正思惠酒因憶其父達元

對酒不能飲悠悠起遠思
空山啼戴勝零雨泣瑤枝
伊昔青雲約於今白髮時
親朋凋喪盡哀謝更安之

過長城有感

萬里度臯蘭三秋大漠寒
匈奴猶近塞上將自登壇鬢
與霜俱白心將淚並丹
昨宵報烽火雄劍幾回看

秋夕

八月燕關風力威夜吹白露作
霜飛長空渺杳鴈聲遠
客子蕭條鄉信稀枕上近添
茂陵病夢中常憶故山薇
清砧落日重搔首悵望星河欲
拂衣

晚懷

長天漠漠悲燕塞薄暮悠悠望
帝城客邸三旬愁裏月
故鄉千里夢中程北山猿鶴應
無侶上苑鶯花漫有情
綠酒可能消遠恨青袍已覺誤
浮名

送程仲微下第

長歌擊筑燕山陌遊子行行何所之綠柳折殘
素衣變盡憶來時長卿自許爲文好李廣空悲
遇敵奇
同作遠遊不同去薊門煙月正相思

滄州

九月一日渤海郡涼風落葉何紛紛孤舟伏枕逢秋色
長路停樽對暮雲寒鴈亂迷蘘遂廟清川曲抱獻王墳
古今蹤跡堪惆悵獨倚滄波弔夕曛

會寧道中

古戍荒原起暮塵郵亭繫馬正逢春烽煙未報涼州捷
菜色那看隴地貧報國自期羞嚮日洗兵有待屬何人
平生志略還難遂夜夜鄉關入夢頻

崑明詩鈔卷五

五

靖虜城

靖虜城邊河水流胡兒隔岸語嗶嘰洪濤一葦華夷限
帶甲千年天地愁南鴈欲棲還躑躅東人久客自夷猶
蒼山落日鳴笳發孤劍長吟對白頭

塞上

積寒草冷絕人煙一望沙場思悄然萬里河流元入漢
千羣胡騎尙臨邊請纓定有平戎策賜幣應非歛塞年
坐聽鳴笳愁倒極夜深霜月故娟娟

感興三首

空山木落鴈來稀白髮青尊獨掩扉海內故人長苦別
天涯游子正思歸年荒粗糲聊充食歲晚風塵自拂衣

聞道儲皇今定位前星午夜有光輝

憶昔金城寒日斜高坪長磧亂風沙懸崖直上三千尺
陰洞深藏數十家北狄於今猶牧馬東齊况復有鳴笳
太平天子垂衣在拚取狂穴醉紫霞

大將平倭節鉞新貔貅百萬陣雲屯樓船競報從天下
銅柱應看立海濱吳越繁華非舊日燕齊凋敝入青春
杞人賸有憂天淚羽檄時時一愴神

清明後東園獨坐

清明已過春色殷郊園花落何紛紛隔牆笑語者誰子
對酒斟酌有此君銀盤細鱸青溪鯉玉椀新調碧澗芹
獨坐孤亭無所事雨餘遙看晚山雲

山左明詩鈔卷十五

六

至日用陳君韻

歲莫野陰多急風千崖萬壑下丹楓壯心對此欲涕淚
昨日少年今已翁

宋延年十首

延年字仁夫號一川益都人嘉靖丁酉舉人官

禮部司務有祠部集

縣志延年受業黃海野善古文詞行誼高潔重於鄉

評謁選當領劇職辭不就授魏縣教諭遷留都司務陳文獨序先生詩篇秀逸美刺並陳一

一唐人語雅似王孟諸家

答馮子二首

皇運履熙明巖穴盡收錄惟予抱沉疴投閒快幽獨槐
影下夕陽鳥聲在喬木聊此成真棲豈曰學干祿

嗟子寒劣姿撫躬何能淑獻賦寡所諧十年甘飯犢養
拙謝塵囂爲貧耽薄祿富貴當何時願言從所欲

席上贈張仲晦山人

沂山盤踞崧山錯四圍寒玉紛如削山頭日出十丈高
山人睡起調黃鶴山人名姓世不傳彷彿猶聞號真樂
眞樂年來七十餘披裘散髮深巖居大男能耕小能牧
租賦不愁官長呼獨坐焚香理素琴開軒萬木肅陰森
溪月有情隨意得青山無伴獨來尋昔年曾識山人面
山人五十我弱冠此日山中復遇君君已垂白我過半
羨君高義老不衰環堵蕭然一原憲媿我乾坤迂腐儒
千里王門七上書布衣不敢見天子歸來但臥南山廬
等閒相見一開口引滿高歌更拍手世事悠悠那得知
請君試問西巖叟

崧明詩鈔卷五

七

大雪篇爲隣家老人作

去年一冬苦不雪麥苗盡死土膏竭今年有雪翻恨多
無數貧民肌骨裂有雪無雪卽如此就中難爲蒼生說
北風烈烈吹雲亂荒原極目村烟斷八十隣家老秃翁
短褐不完坐長嘆男號女哭不成聲自言三日腹無飯
我亦蓬蒿四壁人對之不覺淚如霰推解寧忘義士心
軼軻不遂窮途願卽今邑里太彫殘斗粟朝來更百錢
等閒已割心頭肉眼底瘡痕却未痊明年又是甲寅春
無計能醫萬戶貧願將此雪春成糜遍活東西南北人

雨中出郭訪王仲房報恩寺時仲房有武林之遊

賦此言別

爲赴高人約衝泥到竹林偶聞流水調因見伯牙心湖
海君應老烟霞意獨深坐來幽興發對酒一長吟

同楊惟德劉少衡顧子良登報恩寺塔

秣陵宮闕五雲平郭外猶存古塔名暇日風烟聊徙倚
早春梅柳更分明臺邊寶樹深巢鶴天畔寒江曲抱城
最是孫登長嘯處餘音能作鳳凰鳴

何年寶塔凌空出影落長江不斷流興到直須騎鶴背
醉來寧惜解貂裘飄飄人倚盤龍閣裊裊春回古帝州
莫向高臺頻悵望黃雲不盡萬家愁

宏聖詩鈔卷十五

六

夜坐僧房

愛爾禪房花竹幽坐看晴日上牛頭焚香爲下松間榻
煮茗遙分澗底流僧臘暗隨蒼檜長客心應被白雲留
怪來野老能相識曾向山中兩度遊

同周伯霖侍御金子坤山人遊廣佛寺

野寺深深一徑賒傍崖石屋未全遮僧炊八月山中黍
人踏三秋澗底花萬壑松杉雲影暗半天鐘磬月明斜
年來尙苦塵纓縛何日重遊問法華

登穆陵關望雲門山

雲門迢遞枕孤城山色猶連草樹明薄宦幾年還策馬
故園五月正啼鶯穆陵近識齊關險海岳中分禹道平

歸路不妨尋鴈渚，夢魂先已到鷗盟。

陽村別墅

陽村在敝里西南二里有溪流一曲自香山來隱隱地中過陽村而北轉故陽村三面距溪水頗效昔人栽樹種瓜故嘗自賦有十年種樹頗希范蠡之千奴七月斷瓜母慕邵平之五色感時

寄興輒復賦此

少小頻來此地遊，爲園今得枕溪流。
已邀山色成賓主，更遣鶯聲作唱酬。
避地東陵瓜五色，謀生范蠡樹千頭。
他年雲水深深處，一領漁蓑老釣舟。

山左明詩鈔卷第十五

山左明詩鈔卷十五

九

山左明詩鈔卷第十六

李先芳 九十六首

先芳字伯承號北山濮州人嘉靖丁未進士歷

官尚寶司少卿終寧國同知有李氏山房詩選

那子愿李公行狀先生初宰新喻改爲江西冠

不善說戲僅擢戶曹改刑曹職近代名家詩爲

一書卒以多所傲晚爲人所整罷官僅壯年耳

優游林下享文酒聲伎之奉四十餘年所著東

岱山房稿三十卷他著又五十餘萬言當世作

者率推歷下先生出處略與之同所不同者歷

下簡貴不暱近人而先生抗爽敢決任俠自豪

兩人論難過從瑕瑜不相貸也迨後歷下名愈

高先生若爲所揜然脩戈櫛耒嘗一日忘于

鱗云 李于麟云伯承雄才名重當世洋洋雅

音正復盈耳 穆敬甫云伯承詩思秀發綽有

右丞之風 于文定公云吾里爾李先先生其稱

詩不同歷下以氣骨合神湛涵萬有而發以雄

迅意嘗超於象之表濮陽以才情起調融洽衆

山左明詩鈔卷十六

采而出以和平力嘗蓄於法之中所謂異曲同工者

按行狀及列朝詩小傳七子結社以濮陽爲若

敖蚡冒厥後五子七子之日弗與濮陽之憤激

不平亦固其所予以東岱詩及王李並觀律絕

足以相擬古體殊不敵顧非和苦之從差可齊

秦之匹以視徐吳梁宗有過之無不及也虞山

推之于鱗之上第欲重抑歷下而不知其言之

過矣

贈李山人

西峯新結構白石鬱嶙峋了與城市隔而不嬰垢塵深

山多芳草聖世有逸民秋風桂花發無媒寄遠人

馮郎中席贈吳給事赴豫章得雨字

朝辭蘭渚花夜集瓊枝樹寒更慘別筵華燈照殘雨君

去榜吳船我起爲楚舞暗投笑明月深藏謝良賈蕭蕭

嚴星駕盈盈趣公府明發薊門道何處章江浦
感遇

聞鵲衆皆喜聞烏衆皆怒鳴號夫何心於人別好惡烏
羽而鵲鳴歷歷不可訴舉世尙聲色聽言君莫誤

雜詩

驟驥下吳坂負轅力不舒神龍委泥滓不如池中魚夜
光豈不照按劍臨前除燕石一何物比之璠與璵中郎
下王粲臨邛識相如茲事難再得懷古空歛歔

易水懷古

荆卿別燕丹悲歌誓不還此生豈細故人逢知己難壯
士心不死秦王骨已寒至今易水上千載合辛酸

宏明詩鈔卷十一

阜城道中

九月衆芳歇朔塞寒氣早落日澹無輝涼風吹白草遠
水數聲砧長空獨歸鳥遙遙見孤村枯樹一株老

何員外至自開封春夜留飲

仙槎幾日下繁臺夜泛黃河天上來忽然皂蓋雲中下
一嘯燈花五色開不惜青錢沽美酒炊黍烹鷄罄所有
爛醉高陽舊酒徒悲歌燕市同心友江上空栽千樹花
十年踪跡半天涯他鄉攜手情何極久客傷春鬢已華
秋臺四時動秋氣駒從不及一縣尉朝騎羸馬望西山
道上不知遇七貴憐君賦性亦如此千里過逢慰知己
同舍淒清坐白雲一官蹭蹬隨流水浮沉往事不須嗟

秉燭相看如夢裏，謾將心曲訴清尊。睥睨嶙峋曙鴉起，
金臺行贈羅海嶽山人遊遼陽還復入齊

黃金臺館化爲蹊，布衣葛屨隨馬蹄。烈日炎天十萬戶，
懷水兩袖風淒淒。昨日掛席蹈東海，鰲背三山手可攜。
燕昭已沒駿骨朽，蘇代歸來復入齊。投書相國久不報，
鼓瑟王門希所知。懷中白壁空燦爛，腰下七首光陸離。
却望岱宗青未了，振衣還與山靈期。日觀峯頭好風景，
同誰長嘯騎青螭。

白雲樓晚眺

朝上白雲樓，暮上白雲樓。樓高秋色遠，令人獨愁。昨
日凭高賦佳節，今來倚杖尋明月。官齋寂寂晚鐘疎，絲

山左明詩鈔卷十六

三

烟澹澹山雨歇

白雪歌

天風忽落燕臺雪，滿地明明皎秋月。似有神人騎白龍，
揮碎冰山灑銀闕。宮中溫樹不知寒，仗外春雲護斗壇。
鳳凰池上調新曲，一夜梅花滿上闌。

泗溪風雨

扁舟東下泗溪水，細雨鳴絃風浪起。沙際停橈夜寂寥，
孤燭亭亭照行李。平明舍舟陟崇岡，灘頭水漲川無梁。
一林楓樹啼秋葉，兩岸蒹葭拂曉霜。

俠士

朝度黃雲塞，夜臨明月關。三杯賦羽獵，一笑定燕山。飲

馬長城窟射鵬青海灣
功高不被賞
彈缺夜漫漫
長清道中

客行失昏曉
夜裏度山坳
映月鷄啼曙
衝寒人戴星
林風捲黃葉
澗水照青萍
辛苦南征鴈
嗷嗷不可聽

夏日山莊

夏木晝陰陰
匡床涼意侵
遙山飛送酒
獨墅坐鳴琴
燕乳雕梁晚
鷄啼茅巷深
無人來問字
盡日鎖雲岑

讀邊太常殷給事詩二首

當代推何李
斯人伯仲開
建安初降格
天寶舊同班
人羨明光草
詩藏峭華山
尙書如北斗
開卷七星閑

夫子登名日
中官正立朝
買舟下江浦
雅志托松喬
官

崖明詩鈔卷十六

四

左詩應苦天
高夢易遙欲
尋高士跡
湖海識清標

一齋

一齋容膝處
高枕謝招尋
稚笋初平檻
新鴉未出林
閒情芳草地
春恨落花心
更愛前溪好
千章綠樹陰

久客

久客都門道
孤愁薄暮天
鄉心春一寸
旅夢路三千
歸渡無長楫
傾囊有數錢
明朝還把袂
留醉酒樓前

歸思

拂衣望鄉邑
回首別京華
行止無他技
乾坤正一家
得時爲雲雨
失意且龍蛇
何用張儀舌
千名遍海涯

贈李秀卿

長途有客子五月著羊裘同上遊燕策遲歸訪戴舟黃
金無駿骨白髮有窮愁把劍對尊酒青天河漢流

臘日

臘日煙光薄郊園朔氣空歲登通蜡祭酒熟釀村翁積
雪連長陌枯桑起大風村村聞賽鼓又了一年中

望湖亭

望望西湖上微茫烟水寒地靈雙鷺起潭空九龍蟠浦
樹停殘照山泉落遠灘昆明池上月偏照漢長安

江上晚行

褰帷方出郭江上欲黃昏却望東原道青山蔽縣門蟬
鳴月裏樹犬吠水邊村何處分漁火蘆花隱釣綸

山左勇詩卷六

五

雨中投仙姑寺

雨中投古剎江岸少人行立馬候松逕呼僧問寺名
礪經火盡荒草入秋平惟有楓林樹泠泠清梵聲

鄱陽湖

吳城臨古渡湖水接天開一夜南風起扁舟萬里迴波
漂星子懸雲沒大孤臺却望蒼茫裏匡廬秋色來

皖江

皖江陰乍晴鱗鱗秋浪生岸迴村樹隱潮落海雲平魚
米舟中市人烟水上城不須遙問渡前路是浮萍

都下除夕

江南非故國菊北復天涯除夕開尊處高樓賣酒家玉

衡虞正朔鐘鼓漢京華欲作南歸夢寒枝啼曙鴉

舟中感述

南州炎德重日見夏雲生吹浪魚龍出鳴舷風雨驚簡
書催夜發妻子懼潮聲故國三千里悠悠無限情

烏江懷古

楚調一聲起雄圖百戰衰帳中別酒盡劍下美人悲野
廟頽江渚空山泣子規尙餘千古恨霸上夜歸時

夜渡清江

聞櫂那能睡倒衣時扣舷蟲聲悲野草漁網集潭烟江
漲晚來急月明秋可憐一爲山縣吏夜夜帶星還

市汊

峯明詩鈔卷六

六

涼夜放舟穩櫂歌秋水長人烟逢市汊簫鼓下羅坊野
霽江天濶山風岸草黃開篷時倚望初月掛危檣

醴泉道中

郭門一以望處處稻苗生澗水分千派江流共一聲春
天雜寒煖山路半陰晴更聽村春外深林布穀鳴

春思

渝州正二月日夜雨瀟瀟石澗添新漲江風送落潮春
催花影薄林雜鳥聲嬌楚客多歸思長天坐寂寥

秋夜

江市暝烟合官齋清漏長候蟲深院靜叢桂小山香別
怨入秋重宦情如水涼南飛烏鵲盡落月下寒塘

羅溪道中

古戍黃袍節郵亭白露中
遠山橫積翠青靄落高空
石瀨寒流急江帆一鳥通
沿回秋望遠辛苦石尤風

蘭塘寺

蘭若建蘭塘秋山蘭桂香
沙從金穴湧山倚玉峯長
色界盤龍浦彌天下鴈王
前身應是佛隨處喜僧房

夜雨

江城十月後風雨倍蕭森
遙夜一尊酒踈燈萬里心
行藏隨計拙然諾誤交深
殘柝休頻擊南枝有越禽

送章光祿之京

春漲楚江寒君行赴大官
鹽梅調玉食鐘鼎侍金鑿
薄

岩用詩卷十六

七

宦經年拙他鄉送客難
故人多鳳舉天上是長安

送黃復之赴蘭州守

次公勞出守駟馬赴邊州
隴水逢秋結黃河出塞流
龍荒秦六郡虎竹漢諸侯
回首臯蘭下應分西顧憂

送李比部江右恤刑

欽恤頒虞典平反下楚方
獄中多故劔江上有飛霜揮
筆山河潤登樓麗藻芳
還從雙闕下遲爾舊鵷行

歸興

微霜燕草歇九月薊門秋
落日看歸鳥涼風吹白頭
山中多桂樹江上足沙鷗
願托雙飛翼相從張翰遊

送王侍御出按甘肅

君王重分陝使者出秦京
紆岸祁連樹黃雲張掖城
馬行天盡處人去海西營
定有涼州曲遙傳絕塞聲

峽石舟中望宣城作

長薄帶芳洲支江繞郡流
潭烟宛陵夕山雨敬亭秋
溜急知湖口林喧指渡頭
依稀沙渚上人吏待行舟

秋郊

高秋禾黍熟省稼宿城陰
野寺鐘聲早山家露氣深
玉繩挂西壁璧月出東林
坐久涼風起昏蟬不斷吟

野行

落日步清野了無俗事牽
牛羊馴小徑桑柘暗平田
閒過里中叟同聽樹杪蟬
恹然青竹杖共話羲皇年

宏明詩鈔卷十六

八

雨中晚憩石門訪梁孟敬故址

陰雨不知晚牛羊下廣原來
攀小山桂坐據古松根寒
至鳴泉結山多宿霧屯
還將招隱曲一訪石門村

送徐膳部乞養還浙東

海內論才子徐卿最得名
兩都初就賦一疏早陳情
春水浮舟穩林花浮袖輕
趨庭多暇日高枕聽江聲

中都同孫使君登第一山贈曉上人二首

遠公不禁酒此地許逃禪
蘿磴攀雲上松陰抱石眠
神龍喜深蟄高鳥避驚弦
且對林中梵飯依靜者緣

因過清賞地不分老僧閒
醉倚菩提樹心灰夢覺關
微雲斜度嶺落日倒御山
擾擾紅塵裏逢君祇厚顏

寄題洞虛先生水亭

因懷大隱者遙寄小山篇習靜常依市爲農不在田
谷神仙錄載丹藥羽人傳却笑元都觀春花空自妍

寒食旅懷

旅食逢寒食他鄉憶故鄉鶯聲方出谷蠶月始條桑
夢逐楊花遠心將春草長汝陽千里道有母在高堂

別王比部元美

棘寺同官日蘭尊結社時過門邀並騎入省對彈碁未
結王生機多慚賀監知我乘青雀舫君入白雲司作吏
風塵隔爲郎日月私臨岐重攜手休唱渭城詩

暮春初過山莊

宏男詩卷十六

九

山人性本愛山居弭節春遊過舊廬短砌雨餘芳草合
小亭風定落花疎拂塵下榻驚梁燕發篋抽書走壁魚
更闢巖扉頻灑掃能無長者命巾車

縣齋晚坐

孤城南面枕江干玉几雲岑對鬱盤花下鳥啼羣吏散
窗中雲盡數峯寒清齋獨坐偏懷土白髮催人欲挂冠
昨夜南薰吹入戶空懸綠綺共誰彈

太平觀偶書

堆案盈庭吏事羈轉於行役是閒時山當玉笥春雲滿
江入羅溪暮雨垂徧性最宜仙館淨初心惟許道人知
旌陽去後留丹井爲訪眞源拜藥師

雲津送袁生之京

曲水平橋江岸斜，雲津門外送仙槎。
離亭握手愁將夕，遠道逢春鬢易華。
二月行人折楊柳，一年心事問桃花。
蘭橈泊處東風遍，細雨樓臺燕子家。

德州道中

城郭依稀浦樹寒，廣川風物日凋殘。
渡頭向晚船初泊，驛路經秋泥未乾。
野菊黃時非故國，塞鴻來處是長安。
金門多少同遊侶，退食誰知行路難。

早秋言懷

薊門晴色照新秋，九陌軒車如水流。
邊馬不知燕草歇，涼蟬偏益漢宮愁。
地隣紫塞寒聲早，臺散黃金壯士羞。
老去馮唐空灑淚，當年少婦擬封侯。

岑明詩鈔卷十六

十

七夕同項少嶽賦得星字

久客天涯秋露零，悲歡何必問雙星。
且沽月下新豐酒，留醉花間吏隱亭。
大道無媒鬬自拙，清時不飲爲誰醒。
仙橋只在浮雲外，悵望明河烟霧青。

送劉念菴憲副赴固原兵備

劉生馬上酌榴花，西指蕭關道路賒。
地近崆峒雙倚劍，人如博望一乘槎。
回中烽火通秦塞，隴外葡萄入漢家。
百二提封恩不細，好持虎節鎮龍沙。

再寄王元美

當年漢署共鳴珂，班馬才名不啻過天畔。
孤臣吾老矣。

中原諸少竟如何生涯只合尋麋鹿
世事寧須問涸
今古含情君不見鷗夷江上有滄波

和王鳳洲憲長見寄

平生意氣徒慨慷爭得詩名老更強
知我不才惟聖王
與誰同病是王郎十年龍劍分秋水
千里鴻書帶曉霜
却望青雲回首處西飛海燕不成行

天峯寺同譚少府覽眺

郭外名山碧四圍聯鑣載酒歷山扉
千家戶牖分青靄
一曲江流寫翠微日嶠晴雲低古寺
海門秋色澹征衣
天峯果在烟霄上坐對長松了道機

宜春臺

崇明詩鈔卷十六

十一

春臺獨上俯千家睥睨風高起曙鴉
南下萬山連百越
東來一水自長沙青厓竹覆經年雪
碧落松盤小洞霞
駐馬荒祠聊借問韓公何事客天涯

早春遣懷二首

初陽東御海門潮海上三山靜不搖
指點中原懷數子
飛騰千古見孤標傾心結客收明雋
臥閣題詩慰寂寥
病起山樓聊聘望元龍豪氣未全銷

誰開馬市向邊州歲歲羈縻豈善謀
縱使鞫奴能款塞
可令邊將不防秋戈鋌薊北銷將盡
杼軸江南索未休
何似漢家圖上策閉關夜夜看旄頭

五哀詩

四公俱吾黨詩友也後先相繼淪沒謝客
鄰中馮家青州故聞訃悼之李沒稍前已

具弔章復此夢寐冀同郡且
乏嗣故數造其墓共哀一也

燕市行歌落日低一囊歸臥鄴城西當年王粲依劉表
往事虞卿掾魏齊四海論心君獨老他山埋骨爾誰攜
東門何限冬青樹有鳥還來夜半啼

謝四溟山人

小馮振藻出青齊海國風高望轉迷擊筑曾歌燕市月

鳴珂同聽薊門鷄機雲翰墨誰爭長吳楚江山半入題

聞爾遼陽雙化鶴庭前荆樹幾枝低

馮洽泉進士
少洲光祿

鮑山宿草幾經秋歷下猶傳白雪樓白雪調高人寡和

鮑山雲盡水空流斷腸魂夢通今夕握手交情憶昔遊

曉倚東門占紫氣真人倘許駕青牛

李滄溟憲長

西原落木正紛紛挂劍臺空帶夕曛地下勒銘無片石

皇明詩鈔卷十六

三

朝端簪筆有遺文山風未掃松閒月野鳥猶棲隴上雲
友道不隨滄海變每逢霜露泣徐君

龔鴻洲憲副

九江

潯陽春盡水連空九派煙波處處通彭蠡不傳淮海信
江豚空拜石尤風湓城樹色浮天上廬阜嵐光寫鏡中
估客乘流千艇下輕帆飛過楚雲東

東林寺望天池寄孤月和尙

東林祇樹晝陰陰廬阜南來蒼翠深鳳剎孤雲空外象
虎溪流水定中音長途落日淹行騎白石青苔長道心
舊識遠公仍健否香爐絕頂共誰尋

羅溪驛

驛路臨江渚，秋山碧四圍。
澹煙兩岸靜，落日一帆微。
歲歇草蟲亂，天晴水鶴飛。
東園橘柚熟，西堰稻粱肥。
霜換青楓樹，苔沈白石磯。
我將乘畫舫，相伴暮潮歸。

玉階怨

蟋蟀鳴玉階，梧桐落金井。
紈扇本生涼，錯恨秋風冷。

江雨

西山帶雨痕，南浦生秋草。
煙中樹若薺，波上舟如鳥。

野行

貪看芳草色，不覺白日晚。
借問路傍兒，去城知近遠。

會臺卽景五首

白板扉 翔鳳嶺

讀書臺 淨業堂

會泉

板扉晝不關，林風起簷樹。
委巷不容車，山僧自來去。

崖野詩鈔卷十六

三

郵侯不可見，此地昔爲家。
讀書臺下草，春到自開花。
當年會盟地，牛飲三千人。
涓涓泉下水，曾爲洗朱輪。
曲嶺抱仙源，巍如翔鳳起。
上有梧桐樹，枝葉自連理。
會邱古塔院，新開淨業龕。
蒲團供坐臥，花下讀楞嚴。

江南雜歌

春日登樓眼，江關遊宦身。
舉頭纔北望，如見故鄉人。

秋夜飲張東浦宅得家書

海月逢秋望，江城霽雨初。
一尊官舍酒，萬里故鄉書。

歲暮

杪歲百感集，遙天孤夢生。
春歸風雨夕，人臥楚江城。

舟中

解纜江寧鎮鳴橈姑孰西風吼三百里一夜宛陵溪
出塞曲

白登城下草蕭蕭爭說今秋太白高十年未掛封侯印
夜夜雲中泣寶刀

艷歌行

博山鑪裏爇沉香斗帳流蘇五鳳凰玳筵前人似玉
水晶簾外月如霜

橫吹曲

胡王知妾不勝悲橫笛頻教馬上吹恰似漢家供奉曲
是誰翻寫入燕支

懷張西吳翰史

崑明詩鈔卷十六

古

春水茫茫春草萋潯陽南下是羅溪欲寄雙魚潮不到
憑將遙夢過江西

劔江

風濤六月劔江寒葭菼依稀浦樹殘揚子爭如虎口渡
瞿塘不及象牙灘

寄懷汪正叔憲副

楊花飛雪入船窗此際君應度九江欲向春風問消息
南來鴻鴈不成雙

秋日卽事

燕山落日晚淒淒鴻鴈初飛漢苑西莫戀王河芳草色
秋風昨夜到沙堤

懷伯宗長史

楚臺千里暮雲遮前席何時入漢家賦得洞庭秋水曲
西風無鴈寄長沙

由商邱入永城途中作

三月輕風麥浪生黃河岸上晚波平村原處處垂楊柳
一路青青到永城

雙溝夜雨

風雨蕭蕭入莫天孤村黃葉鎖寒烟官衙兒女應相說
今夜羈栖何處邊

按二詩本集不載見列朝詩選于濮陽詩
不為高作以選者為低昂耳故並存之

會臺題壁

岩明詩鈔卷十六

五

此日長沮學耦耕當年嚴助厭承明空齋一枕華胥夢
細雨芭蕉秋夜聲

李同芳 五首

同芳字幼承先芳弟官王府審理

詩選傳云幼承才情不減

其

送鵝池還趙

鴻鶴奮高舉寧隨燕雀遊往來雙眼濶老去壯心留落
日流行騎秋風憶故邱青山堪憩跡何處結菟裘

濟南道中下第作

日落千山暝秋高一鴈飛天風下木葉嵐氣濕人衣舊
館愁尋問迷途覺是非無端沙上鳥笑我未忘機

飲酒

山扉悄無事家釀復新香
遲爾二三子陶然酌一觴
論心愛邱壑炙背閱年光
雪積冰難解冬殘日乍長
歲時鳥過目身世鴈隨陽
多謝高陽伴同來入醉鄉

春詞二首

常年二月已清明今年清明
三月中寄語尋春攜酒客
桃花雖歌有東風

十千沽酒冶遊郎日指桃林
是醉鄉花下停車鶯語亂
溪邊拾翠燕泥香

山左明詩鈔卷第十六

山左明詩鈔卷十六

山左明詩鈔卷第十七

謝榛 一百二十首

榛字茂秦臨清布衣有四溟山人集明史文苑傳榛年十

六作樂府商調已而折節讀書刻意為詩有聞

於時趙康王賓禮之嘉靖閒游長安脫黎陽盧

柎於獄結公多其誼爭與交權是時李攀龍王

世貞輩論生平頗相鑄責攀龍貽書絕交諸名

亦右攀龍力相排擠削其名於五子七子之列

然榛游道日廣秦晉諸藩爭迎致之大河南北

皆稱謝榛先生其再游趙超穆王復賓禮之所

刻其全集當七十四家之初尚論唐賢各有為

重榛曰取李杜十四家之最者熟讀之以奪神

氣歌詠以求聲調玩味之以裒精華得此三

要造乎渾淪不必壘謫仙而畫少陵也諸人心

師其言後雖合力攢榛其稱詩指要實自榛發

之王元美云謝茂秦如大官舊庖為小邑設

宴雖事饌非奇而鉅飴不苟又云排比譬偶為

一時之最第與寄小薄變化差少蔣仲舒云

一

茂秦詩宗少陵窮體極變近時之麟鳳詩選

傳云茂秦今體工力深厚響而句穩七子五

子皆不及之陳臥子云茂秦沈練雄渾法度

森然真節制之師位在干鱗之下徐吳之上

宋轅文云茂秦五律似勝諸名家然句法篇法

未免束縛精神不能出四十字外七律原本嘉

州情景清切明詩綜詩話歷下有言眇君子
雖毫而繩墨猶存則亦未嘗深絕之特明時重
資格於章服中雜以
韋布終以為嫌爾
按竹垞所云理則有之李詩云途合清廟音乃
在視衣客中未忘也謝詩云奈何李固未為顯
爾棄置咎有所歸矣然考其始末李固未為顯
絕謝尤感懷勤懇故人心跡兩分明可云忠厚
積將石髓換仙骨西指崑崙天盡頭則史文之
實也又按全集五古寥寥七字沈著雄渾處勝
于鱗天分不如而工力過之近體如虞山言勝
宋所譏亦誠不免或其境遇不足以及之邪他
所論皆允實則未易軒輊耳食之流噴有煩言
門外人論堂上事牛羊之眼但見方隅不直一
耳

雜感寄都門舊知

瞻彼終南山松蘿幽且邃中有一真人超然遠朝市
手握神龍珠照夜光自秘石苔積古色斗室廓天地澗泉
爲誰清蕙花爲誰媚西望徒遐思書札何由寄嗟哉處
流俗冥心可無醉鴟鳩爲家祥鳳鸞非世瑞奈何君子
交中道兩棄置不見鍼與石相合似同類文字生瑕疵
鄧林葉紛墜有家早歸歟獨歌以卒歲歲寒元氣塞偃
仰待春事

冬日有感

山高慎巔崖天寒惜短晷嗟彼浮世人勞生幾悲喜勸
業良可圖智能焉足恃淒其曉霜下北風亦何駛塞門

山左明詩鈔卷十七

二

日吹笳感愴荷戈子將相各憂心誰甘老桑梓不見完
名者海上二疏美時復延舊游杯中妙理白雲半空
閒澹然映流水

春雪有感

哲王能下士栖栖此異縣動欲感鄒枚曾披梁孝傳嬾
癖不可醫索居起常晏嗟哉古賢達未遇甘貧賤貫酒
過比鄰春城正雪霰山川鬱葱開萬形爲之變窟深龍
尚壘巢寒鳥自戀積陰鮮好懷悵望無人見

自拙嘆

出門何所營蕭條掩柴荆中除不灑掃積雨莓苔生感
時倚孤杖屋角鳩正鳴千拙養氣根一巧喪心萌巢由

亦偶爾焉知身後名不盡太古色天和青山橫

登樓望秋山

登樓望秋山薄暮有佳色秀拔殊自然重之煙霞飾衆
鳥知各歸行人早棲息勞生詞賦閒客愁復何極高哉
劉伯倫獨能訟酒德幾時偃荆扉養心在冲默

七夕行餞別王安州

三春不見王子猷隔林黃鳥聲相求停雲悵望心悠悠
詎期千里會燕州尊前羅綺多名詎晚來新月低簾鉤
白榆花發銀河秋靈鵲架橋天女遊鑿輿拂曙終難留
歸時錦機鳴不休千絲萬絲縈別愁盈盈一水長西流
離合定期惟女牛人生相憶恒阻脩五馬明朝易水頭
我亦驅車還故邱年年今夕懷朋儔坐轉玉衡空倚樓

送楊員外子畏之江東

龍劍千里神相通心知不在離合中都亭久別今一晤
美人又去長江東帆外水天渺無際白波如練搖丹楓
閨門尊酒誰復同孤懷慘淡生秋風亂草已非伍胥宅
百花曾繞吳王宮霸圖往事但明月浩歌五湖惟釣翁
虎邱憑高正慨古飛鳥遠沒蒼煙空莫忘詞客踈幽意
老卻春洲芳杜叢

送劉戶曹成卿使荆楚

帝將北伐歲云暮使者南徵二楚賦借問何人當此行
東平文學今劉楨朔塞風塵暗赤縣中原戎馬疲蒼生

飛旌直下武昌道黃鵠磯頭見春草仙侶不來空倚樓
漢江東流波浩浩孤鳳叫天天上聞野田烏雀何紛紛
湘竹遙連洞庭雨衡山半落蒼梧雲雲岑煙樹莽相似
猿聲至今悲帝子有才偏抱千古愁片月多情照湖水
國計艱難非昔時君今肯醉習家池無限楚歌入苦調
秋風獨遣騷人知

送施侯引之歸錢塘

有客壯懷遊帝鄉問君何處家錢塘短褐無心事千謁
古來國士誰相當請纓不分終孺子仗節自許蘇中郎
夜擊雄劍動星斗孤燈花落寒無光丈夫行藏窺不得
歲暮離尊傍南陌薊門風雪羸馬嘶郭隗臺前一歸客

宏明許鈔卷十七

四

君才寂寞用兵時黃金有無關氣色蕭然舊業江之沲
月下漫成吳會歌龍抱珠且深窟遲爾乘春雷雨多
元夕同李員外于鱗登西北城樓望郭外人家慨

然有賦

僊郎邀我元夜遊聯鑣馳向都城陬憑高北望餘殺氣
初春慘澹翻如秋銀花無光火樹死月明空作金波流
憶昔華燈亂星斗天教陸海通瀛洲美人盛服散香靄
俠少相隨簇錦裘萬家歌舞帝王州廣衢深巷連崇樓
楊枝插門春不見膏粥祠戶今何由燕京女兒去朔漠
紫姑寥落嗟含愁城中簫鼓太平象城外風煙邊戍頭
御宴黃柑存故事濁醪不解騷人憂洞庭佳釀醉方休

來歲今宵復何處客蹤宦轍如雲浮

橘樹

憶昔園中摘霜橘重來正值橘花日滿叢晶晶當殘春
池臺雨後游蜂出獨把一枝春可憐匡牀把酒非吾室
去秋此地紛干戈北風吹樹柰爾何上林秋色亦悽愴
仙宮月冷停笙歌遙徵猛士已云多待時圖功且議和
漢廷况有丙魏在年年雨露沾枝柯橘兮橘兮爾無恙
逸民終老青山阿

送周一之從大將軍出塞

長劍礪山石可摧勁弓射海波能開宿昔相逢重然諾
意氣干霄不可回酒酣獨上黃金臺吳歌忽斷天風來

宏明詩鈔卷十七

五

會笑要離空俠節復輕郭隗非奇才二十餘年滯京國
俗塵總不關胷臆一朝長掛大將軍材官相顧無顏色
丈夫穎脫自有時百年遭際幾相知陳琳倚馬能成檄
王粲從軍還賦詩昨夜秋風吹大旗據鞍喜動幽并兒
鐵騎連營亘千里餽餉日日無停期喧闐笳鼓長城路
沙擁潮河仍北渡殺氣遙沉白馬關暮雲橫斷黃花戍
單于已遁尙屯兵嫖姚看逐西山兔閨中月照流黃機
應念征人犯霜露

張令肖甫郊餞聞笛兼慰盧次樞

嚴城西畔開離筵郎官送客斜陽天有人吹笛正悽愴
晴雲改色迷山川野風太急萬柳折倏忽波濤翻九淵

驪龍驚起珠欲墮亂鳥無聲愁向我梅花一曲何斷腸
蕭瑟零霜肅滿坐盧子揮淚不勝哀銜冤垂老誰憐才
君不見襴衡傲岸成禍胎鸚鵡洲上多莓苔騷人往來
酌酒杯黃祖於今安在哉當秋苦調莫三弄聽徹躊躇
轉悲慟張令知心不可忘關河月照滑臺夢

餞別張逸人子書宿漳河旅舍

鳴鞭相送遠遊子北渡衡漳四十里春雪留人凍馬嘶
晚風攬樹寒鴉起回首安陽第一橋野亭尊酒復中宵
他年有意傳書札洵鶴冥冥不可招

秋夜園亭遣興柬德平王

誰度浮生能適意東林曾許陶潛醉天涯久客歲時愁
日暮獨醒風雨至王門有酒送何遲要和山人乞酒詩
園中萸茗消清夜月照蒼然松桂枝

寶劍篇贈王希元

天開茨山鑄鐵英七星上護蒼龍精動拂寒光照朔野
三秋風雨匣中鳴國士佩之增俠氣詎學季子徒縱橫
久藏靈異發浩嘆一逢知己快平生憶昔神交寄雙鯉
中有尺書通姓名邂逅天涯兩披豁尊前不盡江湖情
古來放達在我輩半醉相隨歌月明鐵騎憑陵忽深入
宿酒未消神魂驚幾處材官死鋒鏑千家妻子號柴荆
每談邊事自抵掌於今北關誰請纓咫尺鴈門不得到
探奇直向榆關行鷗西紫塞日慘澹馬上青山雲送遶

有才未必竟淪沒鶯花莫憶廣陵城歲暮別君正冰雪
滄沱暗咽東流聲

張子翔畫竹歌

張郎寫竹多妙思筆底驟來風雨勢半空截得數竿秋
眼中楚天不盡意鳳凰暗泣湘雲寒江濤攪碎青琅玕
神功咫尺不可測澄心坐倚孤篷看試向瀟湘結廬足
幽事四圍籬落擁煙翠陰晴寒暖同不同變化無窮出
芻次揮灑對人無苦顏恬澹存之方寸閒君不見九嶷
依然帝女歿至今淚迹猶斑斑黃陵廟西日銜山一梢
不動秋自閒力到古遠得三昧飄然逸興九霄外有時
夢著雲溪翁笑道羽也天機通要知曠達不凡處莫使
人稱眞畫工

山左明詩鈔卷十七
君父號雲
溪翁能畫

七

雪夜過李于鱗宅適已醉臥因留宿作

雪天騎馬禁城隈何意中宵官舍開太白醉眠呼不起
惠連賦就卻空來滿城朔氣侵人骨試問宮梅幾枝發
上苑寒生千樹雲西山暗落三更月起來風物重淒淒
門外日高鴉亂啼共倒清尊不歸去長安陌上踏春泥

野父雜感

結廬不臨車馬道交遊須待南山老泉衝澗石聲自清
霜染江楓色更好暗響泠泠長滿耳一朝野望淨於掃
馴雀下階相對閒鉤簾獨坐披素袍兒借佛書越松嶺
歸來短衣沾雪冷老禪爲說梅初放紙窗幽寂橫瘦影

杖藜不到諸天遙臥聽清鐘徹凡境

思歸引

有家歸去來旅顏何摧頽胡爲戎馬際滯此燕昭臺十
日九寄書不慰妻子懷秋風忽動思故園山妻搗衣兒
候門缺月半天霜滿地悄然孤館銷人魂不見嵩高之
山青差我上有松柏下有河松柏可餐河可釣老來幽
事嗟無多離亂至今我獨苦夢中歸路迷煙蘿龐公舊
隱須一訪白雲慘澹終如何

送楊玉伯歸涇陽

鳳凰城南楊柳絲當春嬾嬾牽別離古人折贈意偶爾
至今千里傳相思風吹柳花正西去黃鸝喚春春不住

山左明詩鈔卷七

八

落日關河悵遠人青絲白馬歸三秦壯年不嘆功名薄
獨將寶劍淹風塵有時大笑對尊酒七雄能戰不能守
燕昭之策非遠圖空使黃金高北斗君才落落誰見知
且向滄浪隨釣叟秋來水上煙雲重慎勿濯足驚魚龍
中秋寄南都馮戶部汝言去歲此夕曾汝言潞陽

時警虜變感舊賦此

小樓獨坐悲秋光美人阻絕天一方叢桂花開欲同醉
其如南北成參商燕塞干戈朔氣動秣陵風雨江濤長
憶昔中秋潞水陽相逢月下傾壺觴金波可愛不可掬
清宵宛在氷雪堂倚樹高歌起烏鵲星河欲落天蒼茫
離亭向曉初分手歛見胡塵犯街柳驛路時時問捷書

都城夜夜聽刁斗朝廷有意訪賢才將士於今嚴戰守
募兵千里屯京師日散黃金無盡期海內誅求信不易
艱難早晚君王知謝安高臥欲何補馮唐老來應自悲
宦遊旅食兩不見莽莽風煙各京甸昨聞寶劍賜嫖姚
五都俠兒爭習戰上林鷓鴣秋一鳴北極浮雲日千變
三吳凋敝若爲看何當疏奏明光殿

西園春暮

西北風來何太劇花落滿園春可惜黃鸝叫春蝴蝶愁
四野無人日將夕惟有一枝留晚春當砌徘徊不忍摘
且將尊酒對殘花春去悲歌復何益

寄金廣文

出明詩鈔卷十七

九

漢廷誰復憐才子謫去長沙幾千里三楚寒雲過鴈聲
九嶷秋色搖江水騷人自古悲秋風黃陵廟前斑竹叢
惆悵湘靈杳何處試聽瑤瑟月中

武皇巡幸歌二首

玉輦衝寒色蕭蕭八駿鳴兔河冰上過狐嶺雪中行撫
劍羣胡遁彎弓百獸驚當年赤帝子空到白登城
年少羽林郎嚴冬較獵忙旌旗開御道劍戟擁長楊飛
去五花馬射來雙白狼中官傳賜酒甲冑拜君王

有感

薄伐元中策論兵自古難漢唐頻拓地將帥幾登壇絕
漠兼天盡交河蕩日寒不知大宛馬曾復到長安

麗情曲

昔會春江曲美人知我心朝遺白玉珮夕贈紫瓊琴
夢入楚天遠愁連湘水深刺桐花又落黃鵠斷佳音

春宮詞

盈盈上陽女愁思起中宵月白璫窗靜花深玉輦遙
曉霞憎國色春柳妬宮腰不見長門賦傷心有阿嬌

秋野

地闊清霜滿林寒赤葉稀野雲秋澹澹山日晚暉暉
殺氣三河動邊聲一騎飛中原多猛士誰解晉陽圍

暮秋節事

十見黃花發孤樽思不勝關河秋後鴈風雨夜深燈
留

出明詩鈔卷十七

十

滯悲王粲交遊憶李膺相隨年少子走馬獵韓陵

寄張崇德

空庭黃葉下風物豈鄉關獨夜人南北流年鴈往還
亂雲低古塞積雨暗秋山爾亦悲搖落孤雲鬢欲斑

晚夏天寧寺對雨同殷正夫李于鱗賦

諸天忽風雨蕭颯動山扉殿冷鴿逾靜鉢空龍未歸
晚留軒冕客秋到薜蘿衣後夜懷支遁遙聽鐘磬微

榆河曉發

朝暉開衆山遙見屏
關雲出三邊外風生萬馬閒
征塵何日靜古戍幾人閒
忽憶棄繻者空慙旅鬢斑

榆林道中言懷

秋風吹短褐長笑過居庸羸馬有歸思枯蓬無定蹤
橫邊色斷日沒野陰重旅鬢成衰颯誰知阮嗣宗

北征

朔氣犯征裘旌懸大漠秋飈山通驛道殘日照樓白
骨幾年戰黃雲終古愁夜來烽火急驕虜寇并州

夏夜獨坐披襟當風頗有秋意賦此寄懷

散髮南樓夜傷然披素襟蛩聲依草際螢火落牆陰老
破當年夢秋生久客心遙思苔石上坐聽美人琴

清明憶諸弟

白髮感平生幽懷阮步兵抱疴頻藥餌爲客幾清明春
滿他鄉樹河連故國城鶴鶴限南北空復在原情

曉起

曉起正科頭時聞花外鳩出門踈雨歇倚杖斷雲流綠
草偏依水青山半入樓况逢春酒熟不負嗣宗遊

送杜太僕謫荊州

謫宦三千里誰憐賈傅才漢江秋月上楚岫夜猿哀心
事登樓賦年光落帽臺知君最愁絕湘鴈逐春來

寒食旅懷

蘄北驚寒食淹留幾自嗟春風來燕子落日在桃花邱
隴行邊漲江湖夢裏家不知踈懶客何物是生涯

秋庭

東園閉白日庭戶絕經過落葉聽無盡秋風來更多忽

聞誅寇盜莫厭事兵戈賣劍今誰是愁雲渺大河
送樊侍御之金陵

地入維揚路天分牛斗墟
秋帆二水外春草六朝餘
水雪生官舍風塵走詠書
從來經國者寧不念樵漁

暮秋大伾山禪院同孟得之盧次樞醉賦

勝遊隨故侶幽興在禪林
石上晴雲起松間晚磬沉
青山無久客黃菊有歸心
我亦悲秋者樽前學楚吟

寄沈子剛

涼風吹短髮朔野正踟躕
身遠艱危過才高氣孤寒
聲悲戍角秋色老邊櫓
俠少時相見藏名憶鏡湖

成安道中懷古示同行故人

崑明詩鈔卷七

十一

朋好共行役不堪岐路分
西風馬上急朔鴈天邊聞
趙壘但秋草漢旌空暮雲
古來定交者獨嘆成安君

晚眺

寒日下西陵漳河晚渡冰
孤城歸獵騎雙樹隱禪燈
野眺心何遠巖棲老未能
翻憐戎馬日愁思坐相仍

暮秋夜柬宗上人

山城搖落夜感慨幾人同
舊館殘孤燭秋原老百蟲
才蹤漂泊際心定寂寥中
亦有逃禪意明朝過遠公

北望二首

戎馬何時定愁雲直北看
朝廷殊見遠將相各知難
風亂邊聲急霜連兵氣寒
中天問明月曾照漢家壇

鼓角昏黃過關山太白高往來驕虜數賞罰聖心勞俛
士惟龍劍材官幾豹韜城雲自寒色時擁漢旌旄
七夕敬誠二君餞別得秋字

北斗掛城頭明河迴不流人閒清露夜天上白榆秋聚
散多岐路悲歡自女牛誰知老來拙回首故鄉樓

登榆林城

憑高望不極天外一鴻過萬嶺夕陽盡孤城寒色多蘆
笳滿亭堠羽檄度關河遙憶龍庭士嚴霜正荷戈

野望

西北消烽火邊關罷檄書寒聲惟鳥雀野色但村墟石
秃燒山後崖明帶雪初誰爲籌國者雲物渺愁予

哀江南四首

山左明詩鈔卷十七

七

爲說江南勝豪華異往年波濤揚子夕風雨秣陵天歲
苦兵閒賦春荒戰後田都門遲飛輓何處泊吳船

戰馬嘶江上寒生楓樹村新兵五都盡舊業幾家存共
倚中朝盛誰將上策論梁鴻避世者寧復老吳門

江南天設險滿目戰圖秋東海兵停櫂西風客倚樓朝
廷存大體斧鉞繫深憂不信征南將功成早白頭

氛祲頻年動東南盡處看海搖千艦出兵犯七閩寒殺
伐寧無定憑陵信有端遙聞日本使猶自貢長安

暮秋東徐別駕載卿

南征秋轉劇不寐夜漫漫白髮艱虞盡滄洲去住難旌

旗連野暗兵甲照江寒選將須與事誰能議築壇

懷李仲學罷官還北海

江南疲戰伐封事更誰論霜入多愁鬢天餘不死恩教
兒書滿案謝客草侵門非復獨醒日何妨開綠樽

樓居秋夜

短筇不到地老子愛樓居徙倚常科髮踈慵肯著書窗
高生月早簷迴接天虛萬戶燈明滅秋光澹自如

送陳僉憲子羽北伐

長郊停騎吹荒寺送君情春草初南下秋風又北征軍
容肅馬塞劍氣壓龍城遙看燕山雨蒼茫一洗兵

寄懷許伯誠

崑明詩鈔卷十七

十四

發軔遼陽雪還家韋杜春客踈門自掩官罷酒相親白
首歌今代青山夢古人行藏不可問獨鶴下西秦

秋興

地曠靡蕪老庭空蟋蟀寒山河秋瑟瑟風露夜漫漫白
首誰同醉黃花祇自看吾生真浪迹滄海一漁竿

宿淇門驛懷孫方伯性甫王憲副廷瞻江少叅伯

陽

駐馬淇門夕堂空暑氣徂亂雲關樹暝寒雨驛燈孤身
計聊時序鄉心復道途何當報知己秋鴈滿江湖

過袁子裁卽席有贈

梁苑春將暮薔薇已著花風光隨燕雀天意曠龍蛇驛

雅誰同調襟期自一家羨君猶綠鬢聊爾寄煙霞

送徐比部汝思使蜀中

試發酉陽書還探丙穴魚昔人不可見秋興欲何如巫
峽雲生夜巴江葉下初啼猿正淒斷山館獨躊躇

山縣久雨感懷

雲慘失峯巒林深鳥自安山城七日雨客舍九秋寒綠
酒愁邊盡黃花亂後看癡兒問行路不道僕夫難

送謝武選少安犒師固原因還蜀會兄葬

天書早下促星軺二月關河凍欲消白首應憐班定遠
黃金先賜霍嫖姚秦雲曉度三川水蜀道春通萬里橋
一對郵筒腸欲斷鵲鴿原上草蕭蕭

山左明史卷十七

五

送章行人景南使閩中

春盡天涯感別離滄波極目去帆遲江南到處塞芳杜
海上先秋薦荔枝明月每勞燕市夢白雲遙寄越鄉思
山靈暫爾留旌節獨立西風賦武夷

夜餞周時隆表兄東歸

弟兄此別重傷神况復淹留一病身白髮相看偏墮淚
清樽纔罷轉愁人江鴻北轉燕山夜河柳東連魯甸春
若到鄉關逢故老爲言遊子倦風塵

秋夜過吳職方子有宅

鳳城西畔獨尋君無柰寒蛩坐裏聞燈下旅愁驚老至
天涯秋興醉宵分禁鐘隱隱來深院海月微微出斷雲

綠酒黃花知有約不辭風雨更論文

邊警

太白山高烽火驚羽書飛下晉陽城沙場風急來胡馬
亭障雲深出漢旌戰守何人能仗策朝廷今日始言兵
懸知駕馭還方術早晚親臨細柳營

九日齊明府思欽見過

天涯節序酒尊空扶杖登高索莫中旅鴈一聲辭朔塞
寒砧幾處亂西風今嗟白首親朋隔舊採黃花兒女同
慰我羈懷有陶令非關秋色過籬東

送王侍御按河南

塞上初歸復此行燕南極目送飛旌天連嵩嶽寒雲盡

崖壘

二六

馬渡黃河春草生簪筆常思未央殿封章時發大梁城
知君最愛應劉賦更向西園一寄聲

聞老兵談邊事

少小從軍老病侵鐵衣征戰歲年深天寒野火燒荒塞
月黑山精嘯古林千載干戈堪灑淚三秋笳鼓數驚心
平沙亂草迷枯骨漢武窮兵怨至今

征夫歎

漠北單于斃射獵雲中都護擁旌旄征夫淚墮故鄉遠
戍角聲悲寒月高絕塞胡霜侵劒戟陰山鬼火照蓬蒿
從來百戰輕生死獨倚轅門感二毛

八客志感

寄迹天涯久未歸孤城霜月慘無輝苦吟易老計何拙
濁酒驅愁功亦微兵氣橫關催走檄仙雲繞闕護垂衣
自從河套停邊議將相於今遠是非

謝侍郎與德郊亭餞別

昔會燕臺今白頭東歸分袂倍離愁年華易改誰長健
世路無窮客倦遊春雪糝糊荒嶺樹夕陽慘淡古邊樓
此情欲寄滹沱水千折波聲向北流

寄懷盧司業濬卿轉留都通政

旅鴈孤飛驚物候詞人相憶采蘭荇夢回金馬南雲斷
愁傍銀臺北斗遙秋色幾看鍾阜樹寒聲還聽大江潮
風騷六代誰爲主潘陸冥冥不可招

山左明詩鈔卷十七

十七

吳給事明卿謫江西詩以寄之

瑣闥當日起名忽訝春風萬里行河北書傳揚子路
天南帆落豫章城騷人弔古非湘怨遷客悲秋自楚聲
帝里舊遊今散盡浮雲回首獨含情

秋日過方晦叔書院

蟬咽高枝秋滿城當軒松桂助幽情地開清沼月相映
石作孤峯雲自生醉後轉多憂國思病來偏得著書名
詎憑狗監吹噓力獻賦于今陋馬卿

送毛明府伯祥之羊城

君今初捧郎官檄此去羊城道路賒海上有雲連蜃氣
嶺南無雪到梅花行春策馬青山近退食鳴琴白日斜

回首風塵迷北望幾逢燕使問京華

送沈郎中宗周出守順慶

明星當戶動征鞍此去春光道路看
巴字地形天外轉嘉陵江色郡中寒
三秋戰伐論才急四海誅求出牧難
沈約未須裁八詠倚樓時復望長安

青龍橋上有感二首

去秋胡騎此縱橫驃騎乘時議北征
四野晴烟猶慘色千村寒食重悲聲
黃鸝獨嘯杏花盡白日低臨湖水平
萬戶徵求今轉劇何人駐馬問春耕
落落狂歌一阮公旗亭把酒送歸鴻
湖光不定春風裏山氣偏多夕照中
滿眼鶯花雙鬢改百年愁思幾人同

山左明詩鈔卷十七

十八

邊庭李牧空遺跡此日誰論破虜功

皇甫永部道隆謫大梁詩以寄懷

聞君遙自楚天來一到梁園見賦才
搖落舊曾悲屈宋寂寥今復弔鄒枚
黃河蕩日寒聲轉嵩嶽連空遠色開
何事弟兄俱謫宦西風愁對菊花杯

寄李明府伯承

天涯頻送客而我獨栖栖多病春花發
孤懷候鳥啼美人斷音信風物感離睽
地接斗牛外江流吳楚西別時霜晶晶
去後草萋萋詞賦枚生近聲名潘令齊
策勳看玉劍抗疏擬金閨蚤晚香山約
磨崖更一題

塞下

青山行不斷獨馬去遲遲宿霧開軍壘寒城見酒旗
連天盡處霜重日高時
慷慨兵戈氣蕭條榆柳枝乾坤
疲戰伐將相繫安危寄語籌邊者功名當自知

報國寺同馮戶曹汝言昆季餞別王太守學甫得

橋字

不盡送君意禪窗共昨宵離筵過風雨行旆及河橋黃
鳥鄉心劇青山驛路遙春陽浮郡滿雲物度江饒楚櫂
經千里吳歌自六朝清秋定相憶何處采蘭苕

陳太守元卿書至自鄴賦此答之

爲郡經年別聲名自下車山川宦甲後風俗建安餘
路頻歸夢交情一報書孤鴻當晚落萬柳入秋疎月白
饒鄉思天寒滯客居陳蕃舊榻在今日爲誰虛

岑明詩鈔卷七

九

寄王叔采

憶昔清洄上踟躕別右軍十年殊未見一字不相聞漂
泊應憐我迢遙幾夢君苦吟先白髮多病後青雲獨滯
周南日還空冀北羣飛花悵春過明月感秋分天外鶴
孤唳風前蘭自芬稚圭如舊識寧復北山文
送張比部汝任募兵太原

拂曙別承明轡軒西北行天廻濁河水山擁太原城榆
塞霜中色蘆笳月下聲四愁今日最孤嘯幾時平慷慨
深酬主艱難始募兵良駒輕道壯士重功名烽火當
秋急疆場計日清歸來上封事應悉九邊情

送金判官之濟赴太倉

逢君候鴈前別思夏雲邊聯騎依宮柳同鄉戀祖筵襟
期竟南北悵望各風烟城度蘆溝月潮平揚子天蒼生
增賦日赤縣募兵年佐郡今行矣憂時獨慨然農桑何
處足歌頌幾人賢莫使逋逃者春荒海上田

送高伯宗梁公實二比部祭陵廟

祀典千年重嚴趨二妙同馬嘶川日墮路轉石林通旌
旆晴光外山陵王氣中雲深羅俎豆霜下肅臣工明月
帝靈在高秋天宇空瞻依增百感松檟正悲風

寄蔡衡州子木

聞道湘東勝偏宜遊宦情山川壯荆楚翼軫麗璣衡白
鴈夕連渚丹楓秋滿城樓高分嶽色地迴散江聲早歲
能爲郡中原舊著名有才逢聖代不寐爲蒼生驛使無
書札蠻方尙甲兵何時同醉賦上苑待春鶯

送申職方儀卿謫東萊推官

防虜周王策開邊漢將功兵戈今日倦議論古人同赤
縣烽烟裏蒼生賦役中許身酬聖主隨事贊元戎自謂
屠龍技那知失馬翁商歌臨別路宦迹感飛蓬日落雙
旌遠天高一劍雄遙知坐深夜霜月滿齊東

歲暮寄盧次楸

客邸多朋好栖栖勞此生長存排難意遂有泛交情管
鮑心無改妻孥計轉輕單衣沾朔雪衰鬢滯燕城偃蹇

逢黃祖踈狂自爾衡家貧公議定歲久怨懷平共擬三
江釣還期五嶽行采芝從綺季回首謝浮名

同程子仁守歲有感

歲盡邊庭虜騎回孤城秉燭旅顏開亂離已過三關靜
生死相違幾處哀漸覺寒威今夜減可憐春色異鄉來
老年結伴青藜杖聖代逃名濁酒杯淮浦南通吳客櫂
漳河東繞魏王臺身緣留滯常同感書寄平安各自裁
憶昔京華更愁思笛聲吹落漢宮梅

行路難

荀卿將入楚范叔未歸秦花鳥非鄉國悠悠行路人

懷鄒子序

世所詩鈔卷十七

三

渺渺太湖水湖中多鯉魚故人時把釣應有北來書

大梁懷古

策馬夷門道高城帶暮雲至今豪俠士猶說信陵君

登輝縣城見衛水思歸

城外河流白練長城中萬戶共秋光秋來偏作還家夢

河水東流到故鄉

古意

百轉輾轅金井深美人汲水梧桐陰流雲在天日將暮
獨有寒泉知素心

下天壇山植雨

名山勝事本難期洞裏燒丹老鶴知白石青蘿千折路

曉衝煙雨獨歸遲

九日攜酒過王叔野無菊

陶潛癩漫閉柴關
九日餐英自解顏
不種黃花君更嬾
滿城秋色幾人閒

送陳秀才歸吳

家近楓橋兵火餘
鄴中多病感離居
秋風歸去尊鱸美
江上逢人問捷書

搗衣曲

秦關昨寄一書歸
百戰郎從劉武威
見說平安收涕淚
梧桐樹下搗征衣

桃花

山左明詩鈔卷十七

三

溪上蒸霞千萬枝
隔林黃鳥願春遲
不催洞裏秦人老
解使宮中漢女悲

晚登沁州城有感

客子登臨望野田
銅鞮城上月初懸
清光偏照農家婦
織得春衣辦稅錢

秋懷

秋來客思渺煙波
湖上看山秋更多
祇恐佳人怨秋色
晚風吹斷采菱歌

春草

雨中愁色望中繁
別賦偏銷南浦魂
望斷天涯春欲暮
萋萋猶自怨王孫

送皇甫水部之荊州

聞道美人荆楚行，片帆風色度江城。
夕陽欲下復何處，九十九洲芳杜情。

春閨

羅衣初試薄寒生，豈憊花開感別情。
零落鉛華君不見，畫樓春雨燕雙鳴。

重九雨中懷弟

天空朔鴈不成行，秋色年年似故鄉。
門掩菊花人獨臥，冷風踈雨過重陽。

雪中卽事

萬里同雲鳥不飛，出門寒色上人衣。
誰家公子能馳馬，

雪滿長安射獵歸。

已三首詩抄卷二

三

塞上曲寄懷少司馬蘇允吉

鴉啼初日塞門開，昨夜陰山探騎回。
秋盡漠南風雪徧，單于不敢射鵬來。

新鄉城西昔送李學憲于鱗至此感懷二首

大道相攜五嶽遊，老夫共爾賦高秋。
膾將石髓換仙骨，西指崑崙天盡頭。

相期走馬駐孤城，促膝論交中夜情。
不見澄江映秋月，故人心迹兩分明。

別調曲代贈所知二首

家住鄴城門向西，青樓上與鄴城齊。
郎行好記門前柳，

夢南來路不迷

離筵易醉夜將分
趙舞燈前猶向君
從此腰肢瘦無力
牀頭閑煞藕絲裊

春詞

城烏何意夜深啼
紅杏梢頭片月低
香冷薰籠人不寐
春風吹過玉欄西

10070

山左明詩鈔卷第十七

